


SHULE YA HUDUMA YA GATE[DC]NUKUU ZA KUJIFUNZA BIBLIA.

Moduli : Ubora wa Nenola Mungu.

Mada ya 5 : Kioo cha Neno.

Lengo : Jione wewe mwenyewe katika Kristo katikaNeno.

**MUHTASARI KWA KIFUPI WA KANUNI ZILIZOJITOKEZA KATIKA VIPINDI VILIVYOPITA.**

- ❖ Mungu na Neno lake ni wamoja.
- ❖ Kimsingi Mungu hunena kupitia Neno Lake.Kinachosikiwa kama ‘rhema’ hunenwa kutoka ‘logos’.
- ❖ Mungu anafunuliwakupitia Neno lake.
- ❖ Neno lake,jina la Mwana kondoo hueleza asili yake (utambulisho) na utendaji (makusudi).
- ❖ Mungu anajifunua Yeye Mwenyewe kwetu kupitia Neno Lake.
- ❖ Mchakato wa kulipata (kulisikia) na kulitii Neno la Mungu ndiyo namna ambayo kwa hiyo Yeye anajifunua Mwenyewe kwetu na kuendelea kuongezeka daima.
- ❖ Kila wakati tunaposikiliza kwa usahihi na kwa makini tukatii, tutakuwa tunashiriki asili yake ya Kiuungu, na hivyo tunafanyika kamaYeye alivyo au kiumbaji tunaelezea ukweli kuwa kama alivyo Yeye na sisi ndivyo tulivyo [1Yoh 4:17].
- ❖ Neno la Mungu ni mbegu ya Kiuungu isiyoharibika, yenyе vinasaba vyenye mfumo kamili wa asili na kusudi la kiuungu.Kwa hiyo tunazaliwa, au kuzaliwa upya kama wana wa Mungu.
- ❖ Utii endelevu kwa Neno hutakasa nafsi.Mbegu hii [Neno] hukaa ndani yetu na kwa jinsi hiyo hatutatenda dhambi kama ndio mtindo wa maisha.Kushiriki katika asili ya kiuungu ya Mungu kwa namna hii, tuna epukana na uharibifu ulioko duniani.
- ❖ Kiwango cha uzaaji matunda kinacholetwa na Neno ndani yetu hutegemea kiasi [kipimo] cha kusikiliza na kutii.
- ❖ Tunaishi kwa kila Neno la Mungu linalotujia.
- ❖ Wajibu wetu wa kujiweka wenyewe katika nafasi ya kusikia na kutii Neno Lake unategemea kiwango cha hali ya juu cha kulipa heshima, Uthamani na stahakwa UNENAJI WAKE.
- ❖ Ni mara chache tutangukia kwenye makosa na uongo ikiwa tutatoa kipaumbele kuzifahamu NJIA za Mungu juu ya KAZI ZAKE.
- ❖ Uwakilisha wetu kwa ajili Yake unavyokua, tunafanyika kuwa yeye katika dunia yetu.
- ❖ Maandiko yote yanamfunua Kristo na kutupa uelewa na uwazi kwa kila wakati [majira] katika Mungu.
- ❖ Mbegu ya Neno hufanyika kuwa MWANA wa Ufalme.Kila kanuni ya neno la Mungu ni lazima ishikamane na maisha yetu. Neno alifanyika mwili na akaishi katikati ya wanadamu ambao waliuona utukufu wa Kiuungu au asili ikidhihirishwa.

Yakobo 1:14-25

- 14 Lakini kila mmoja hujaribiwa na tamaa yake mwenyewe huku akivutwa na kudanganywa.
- 15 Halafu ile tamaa ikiisha kuchukua mimba huzaa dhambi, na ile dhambi ikiisha kukomaa huzaa mauti.
- 16 Ndugu zangu wapenzi, msidanganyike.
- 17 Kila kutoa kuliko kwema, na kila kitolewacho kilicho kamili, hutoka juu, hushuka kwa Baba wa mianga; kwake hakuna kubadilika, wala kivuli cha kugeuka-geuka.
- 18 Kwa kupenda kwake mwenyewe alituzaa sisi kwa neno la kweli, tuwe kama limbuko la viumbe vyake.
- 19 Hayo mnajua, ndugu zangu wapenzi. Basi kila mtu na awe mwepesi wa kusikia, bali si mwepesi wa kusema; wala kukasirika;
- 20 Kwa maana hasira ya mwanadamu haitendi haki ya Mungu.
- 21 Kwa hiyo wekeeni mbali uchafu wote na ubaya uzidio, na kupokea kwa upole neno liile lilipandwa ndani, , liwezazo kuziokoa roho zenu.
- 22 Lakini iweni watendaji wa neno, wala si wasikiaji tu, hali mkijidanganya nafsi zenu.
- 23 Kwa sababu mtu akiwa ni msikiaji wa neno tu, wala si mtendaji, mtu huyo ni kama mtu anayejiangalia uso wako katika kioo.
- 24 Maana huijangalia, kisha huenda zake, mara akasahau jinsi alivyo.
- 25 Lakini aliye itazama sheria kamilifu iliyo ya uhuru, na kukaa humo, asiwe msikiaji msahaulifu, bali mtendaji wa kazi huyo atakuwa heri katika kutenda kwake.

1. NAMNA UNAVYOSIKIA NI JAMBO MUHIMU

Yesu alijihuisha sana na yote mawili NINI na NAMNA watu walivyosikia au kusikiliza.

Mark 4:24a Akawaambia, “angalieni ni NINI msikialo”.

Hili linatilia mkazo umuhimu wa kuwa na uchaguzi wa, ni fundisho la namna gani unalosikiliza.

Luk 8:18a “Jiangalieni basi JINSI/NAMNA msikiavyo”

Mstari huu unatilia mkazo jukumu la kuwajibika binafsi na uwepo wa mtazamo sahihi ndani ya wale wanaosikia neno sahihi na lenye kuhusika na wakati wa sasa.

Ille namna ambayo Neno la Mungu linapokelewa hubainisha uzaaji wake wa matunda mengi yenye afya au matokeo katika maisha yako.Namna unavyo lipokea Neno ni ya muhimu sana.

Zifuatazo ni baadhi ya kanuni muhimu zinazopaswa kuzingatiwa kila wakati tunapo SIKILIZA/SIKIA Neno.

a. SIKIA NA UELEWE

Yesu alitilia mkazo umuhimu wa kuelewa kile unachosikia:

Matayo 15:10, 11 Akawaita makutano akawaambia, “Sikilizeni; mfahamu”

Matayo 13:13 *Kwa sababu hii ninasema nao kwa mifano; kwa kuwa wakitazama hawaoni, na wakisikia hawasikii, wala kuelewa.*

Kuto kuelewa ni kukosa uwezo katika hatua ya kwanza ya kutambua kwa akili kanuni ya Neno linalowasilishwa, na kisha kwa sababu ya hili, inafuata kushindwa kutii [soma Zaburi 111:10]

Zaburi 111:10b *Wote wafanyao haya wana akili njema.*

Waebrania 5:11 *Ambaye tuna maneno mengi ya kunena katika habari zake, na ni shida kuyaeleza kwa kuwa mmekuwa wavivu wa kusikia.*

Waaminio wa Kiebrania walishindwa kuzishika baadhi ya kanuni zilizo mhusu Melkizedeki.Sababu iliyotolewa kwa hili ilikuwa ni ‘uvivu wa kusikia’

Uvivu = nothros= uzito, vivu na uzembe.

Kimuktadha [soma sura ya 5 yote ya waebrania] uvivu huu wakusikia ulikuwa ndio matokeo ya kipindi kirefu ambacho kulikuwa hakuna ukuaji uliokusudiwa wa kuendelea hadi ukomavu, hasa katika kuhama kutoka maziwa ya Neno hadi nyama ya Neno.

Hapa watu hawa pia wanaelezewa kama watu wasiokuwa na ujuzi katika Neno la wenye haki na ni watoto wachanga. Mtume Paulo katika 1Wakor. 3:1-3 anaangazia zaidi kuhusu uchanga kwa wale ambao bado wanасumbuliwa na mambo ya mwilini, kijicho, wivu, na kujiinua.Yote haya yalisababishauvivu wa kusikia na huzuia watu kuelewa. Hivyo kutolitii Neno kunaweza kuwa ndiyo matokeo pekee.

KKatika Yakobo 1:14- 25

Katika **Yakobo 1:14- 25** nukuliwa hapo juu, Yakobo anatusihi tutoke katika kila aina ya tamaa ambazo ikiwa tutazikaribisha zitatupeleka kwenye kutenda dhambi, na matokeo yake ni kifo cha kiroho [mst 15].Kwa muktadha huo huo anaonya kuhusu asili idanganyayo ya tamaa na dhambi [mst 16]. Ana endelea kutukumbusha kwamba tumezaliwa kwa NENO LA KWELI [mst 18]- mbegu ya asili ya Kiuungu imo ndani yetu.

Akiwa amesha imarisha hili,Yakobo anatupa ishara ya kutokuwa wepesi kusema,ila tuwe wepesi kusikia na kutokuwa wepesi kukasirika na kisha anatuelekeza kuweka mbali ubaya wote - tabia mbaya,mabaki yoyote au uchafu wote wowote k.v chuki, kijicho, kudhamiria kuua, ugojwa wa kufisha/ kudhamiria kuua n.k.Kisha anaangazia kanuni zaidi za **namna mtu anavyoweza kulipokea NENO LA MUNGU.**

b. Lipokee NENO kwa UNYENYEKEVU/UPOLE

Yakobo 1:21 “*Na kupokea kwa upole neno lile lililopandwa ndani liwezalo kuziokoa roho zenu.*

Unyenyekevu/ upole = (“prautes”) = “ulaini wa moyo, upole wa roho, sikivu”- unyenyekevu ni kinyume cha kiburi na hasira.

Zaburi 25:8-9

15. *Bwana yu mwema, mwenye adili; kwa hiyo atawafundisha wenyе dhambi njia.*

16. *Wenye upole atawaongoza katika hukumu, wenye upole atawafundisha njia yake.*

Yakobo 4:6 *Lakini hutujalia sisi neema iliyozidi, kwa hiyo husema Mungu huwapinga wajikuzao, lakini huwapa Neema wanyenyekevu.*

c. Lipokee Neno kwa UCHAJI, STAHA NA KULIENZI KULIKO

Zaburi 25:12-14

12. *Ni nani amchaye BWANA? Atamfundisha katika njia anayo ichagua*

13. *Nafsi yake itakaa hali ya kufanikiwa, Wazao wake watairithi nchi*

14. *Siri ya BWANA iko kwao wamchao, naye atawafundisha Agano Lake.*

Isay 66:1-2

1. *Bwana asema hivi, mbingu ni kitu changu cha enzi, na dunia ni mahali pa kuweka miguu yangu, mtanijengea nyumba ya namna gani?*
2. *Maana mkono wangu ndio uliofanya hivi vyote, vitu hivi vyote vikapata kutokea, asema BWANA, lakini mtu huyu ndiye nitakaye mwangalia, mtu aliye mnyonge, mwenye roho iliyopondeka, atetemekaye asikiapo neon langu.*

Waebrania 12:25 *Angalieni msimkataye yeye anenaye.*

Kataa = Paraiteonai = epuka, jitenga, tupa, inama.

d. Lipokee Neno kama ni “NENO LA MUNGU” kupitia wanadamu

Ikiwa utalichukulia neno la Mungu linalokujia wewe kama ni mawazo tu ya mwanadamu, basi hilo Neno la Mungu halitakuwa na matokeo yaliyokusudiwa kwa ajili yako.

Kama baba wa kiroho aliyesimamia kanisa kule Tesalonike, Paulo aliendelea kuwashukuru kwa kumpokea yeye na lile neno alilokuwa amebeba kama aliyetumwa na Mungu.

Kwa Watesalonike, neno la Paulo lililinganishwana na Neno la Mungu. Hali kadhalika katika kulipokea neno la Mungu, walimkubali kama mchukuzi na muwasilishaji wa neno lile; kwa pamoja neno naye anenaye neno lazima wapokelewe vizuri.

Lakini cha muhimu ni kila wakati kulipokea neno linasambazwa kupitia vyombo wanadamu lakini tambua kwamba ni Mungu mwenyewe anayesema nawe.

1 WATESALONIKE 2:9-13

9. *Maana, ndugu, mnakumbuka taabu yetu na masumbufu yetu, kwa kuwa mchana na usiku tulifanya kazi tusije tukamlemea mtu wa kwenunawaye yote, tukawahubiri hivi. Injili ya Mungu.*

mtu wa kwenu awaye yote, tukawahubiri hivi Injili ya Mungu.

10. *Ninyi ni mashahidi, na Mungu pia, jinsi tulivyokaa kwenu ninyi mnaoamini, kwa utakatifu, na kwa haki, bila kulaumiwa;*

11. *Vile vile kama mjuavyo jinsi tulivyo mwonya kila mmoja wenu kama baba awaonyavyo watoto wake mwenyewe, tukiwatia moyo na kushuhudia;*

12. Ili mwenende kama ilivyo wajibu wenu kwa Mungu, mwenye kuwaita ninyi ili mwingie katika Ufalme wake na utukufu ake.

13. Kwa sababu hiyo sisi nasi twamshukuru Mungu bila kukoma, kwa kuwa mlipopata lile neno la ujumbe wa Mungu mlilolisikia kwetu, mlilipokea si kama neno la wanadamu, bali kama neno la Mungu, na ndivyo lilivyo kweli kweli, litendalo kazi pia ndani yenu ninyi mnao amini.

Hapa kuna maneno ya Kiyunani yaliyo tafsiri neno ‘mlilipokea’ na ‘mlipopata’/ ‘mlipolikubali’ katika mst wa 13 na kudokeza;

Lilipokelewa = paralambano = kusogezza karibu, pamojana, au kwa mwenyewe

Lilikubaliwa = dechomai = kukubali zawadi bila ya masharti na kwa utayari.
 = kumpelekea mtu kilichotolewa au kilicho letwa na mwengine,
 kupokea
 = pokea, kukubali kwa akili na moyo kwa kumaanisha,
 kuhakikisha, kushikilia, kufuata.

Hivyo Watesalonike hawakupokea tu neno kutoka kwa Paulo kwani hawakuwa wamepakana kwa karibu naye au katika ujirani ule ule kama yeye, walipokea kile alichosema na kupendelea kumpokea yeye pia.

Hata hivyo, situ kwamba walimpokea yeye na maneno yake, lakini pia WALIMKUBALI yeye na maneno yake. Neno **walikubali** linaonesha kwamba wao, ndani ya mioyo na akili zao na kwa moyo wote walihakikisha na hivyo kumkubali yeye na ujumbe wake.

Paulo na ujumbe wake walikuwa wamoja. Mjumbe amefanyika kuwa ujumbe, na hivyo kuukubali ule ujumbe ina maanisha kumkubali mjumbe pia. Lakini kumkubali mjumbe inamaanisha kwamba unao utambuzi sahihi kumhusu mhusika’ kama mtu aliye tumwa- kama mwakilishi wa Mungu mwenyewe.

Hagai 1:13 *Ndipo Hagai mjumbe wa BWANA, katika ujumbe wa BWANA, akawaambia watu akisema, mimi nipo pamoja nanyi, asema BWANA. [KJV]*

d. Lipokee neno kwa HAMU na JIWEKE KATIKA MCHAKATO WA KUHITAJI

Mdo 17:1-13

1. *Wakiisha kupita kati ya Amfipoli na Apolonia wakafika Thesalonike, ambapo palikuwa na sinagogi la Wayahudi.*
2. *Na Paulo, kama ilivyokuwa desturi yake, akaingia mle walimo, akahojiana nao kwa maneno ya maandiko sabato tatu,*
3. *Akiyafunua na kuwaeleza ya kwamba ilimpasa Kristo kuteswa, na kufufuka katika wafu; na ya kwamba Yesu huyu ninayewapasha ninyi habari zake ndiye Kristo.*
4. *Wengine mionganoni mwao wakaamini, wakashikamana na Paulo na Sila; na Wayunani walio mcha Mungu wengi sana, na wanawake wenye cheo si wachache.*
5. *Na Wayahudi wakaona wivu, wakajitwalia watu kadha wa kadha katika watu ovyo wasio na sifa njema, nao wakakutanisha mkuitano, wakafanya ghasia mjini, wakawaendea watu wa nyumba ya Yasoni, wakataka kuwapeleka mbele ya watu wa mji;*
6. *Na walipo wakosa, wakamkokota Yasoni na baadhi ya ndugu mbele ya wakubwa wa mji wakipiga kelele, wakisema, watu hawa walio upindua ulimwengu wamefika huku nako.*
7. *Na Yasoni amewakaribisha , na hawa wote wanatenda mambo yaliyo kinyume cha amri za Kaisari, wakisema na kwamba yupo mfalme mwingine, aitwaye Yesu.*
8. *Wakafadhaisha ule mkutano na wakubwa wa mji walipo yasikia hayo.*
9. *Nao walipokwisha kumtoza dhamana Yasoni na wenziwe wakawaacha waende zao.*
10. *Mara hao ndugu wakawapeleka Paulo na Sila usiku hata Beroya. Nao walipofika huko wakaingia katika sinagogi la Wayahudi.*
11. *Watu hawa walikuwa waungwana kuliko wale wa Thesalonike, kwa kuwa walilipokea lile neno kwa uelekevu wa moyo, wakayachunguza maandiko kila siku, waone kwamba mambo hayo ndivyo yalivyo.*
12. *Basi watu wengi mionganoni mwao wakaamini, na wanawake wa Kiyunani wenye cheo, na wanaume si wachache.*
13. *Lakini Wayahudi wa Thesalonike walipopata habari ya kwamba neno la Mungu linahubiriwa na Paulo hata katika **Beroya**, wakaenda huko nako wakawachafua na kuwafadhaisha makutano.*

Paulo, alitoa hoja kutokana na Maandiko, aliweza kuwathibitishia Wayahudi wa Tesalonike kwamba Yesu alikuwa ndiye Kristo ambaye angekufa na kufufuka tena.

Alitoa hoja = dialogomai = kujibizana au kwa kupokezana, kusemezana na, fikiri, wasilisha hotuba ya viwango vya akili; kusema kikamilifu, ndivyo ilivyo, jadili.

Baadhi ya Wayahudi waliamini pamoja na wanawake wenye cheo katika jiji. Idadi kubwa ya Wayahudi wa Tesalonike hata hivyo, walikuwa wanasumbuliwa na wivu na kwa ukali walilipinga neno ambalo Paulo aliwalettea na wakachochea virungu katika jiji na hivyo likatokea kundi lililompinga Paulo.

Wenye mamlaka ya jiji nao wakashawishika dhidi ya Paulo. Paulo alilazimika kuliacha jiji na kuendelea hadi Beroya. Wayahudi wa Beroya walistaarabika zaidi ya Wayahudi wa Tesalonike.

Kama vile istilahi ya Kiyunani ‘engenes’ [ilivyotafsiri wastaarabu/waadilifu zaidi] ina dokeza walikuwa na vyeo na wa tabaka la juu au kule kwa wao kujitambua ni wenye cheo kuliwatenga kama waadilifu zaidi.

Kwa hakika kilicho watofautisha wao kama waadilifu au kuwa na ufahamu adilifu kilikuwa ni mwitikio wao kwa mafundisho ya Paulo.

Kwanza, walilipokea Neno kwa HAMU:

HAMU= prothunia= moyo, roho, utayari wa akili, wepesi.

Kwa hamu ni pamoja na utendaji wa kupokea kama ni ‘kweli’ kile unachosikia. Wayahudi wa Thesalonike waliasi na walikuwa wapinzani wa Neno,

Waberoya kwa hamu na kwa furaha walilipokea Neno.Kwa hamu ni pamoja na hudumisha uchangamfu, mapenzi, upendeleo, utayari na kuamua kwa moyo.

Kinyume chake ni kutokuwa na hamu, kutojali, kuwa na chuki, kutofautiana, uzito n.k.

Cha pili: Kwa ustadi wa kimahakama walichunguza au waliyapeleleza maandiko kila siku ili waweze kuuhalalisha ule ukweli ambao Paulo alikuwa anafundisha.

Chunguza = anakrino = angalia kwa makini, ndiyo kusema, [kumwingiza mtu hatarini]
pima, saili, kubaini.

Sisi pia ni lazima tuwe na tabia zenyenye sura hizi mbili kila wakati tunapolisikia neno la Mungu.Tabia ya kuwa na HAMU na KUCHUNGUZA [KUPIMA] ni muhimu sisi kuwa nayo.

Tunapaswa kuwa na vyote yaani kukubali kushikilia Neno katika mkono mmoja na mkono mwengine uhusike na mchakato wa kila siku wa kuyachunguza Maandiko ili kupima tulichosikia.

Matokeo yalikuwa kwamba WENGI WALIAMINI yaani Wayahudi wengi na wanawake wa Kiyunani na wanaume wenye cheo.Katika majira haya tutaanza kuona kundi kubwa la watu waliofungwa na dini na tamaduni zilizopitwa na wakati za udini wa ‘Kikristo’ wakihama na kuamini Neno la sasa linalotoka kwa Mungu, likiwa lina tangazwa kupitia mitume na manabii wa kweli.

Pia na watu wenye cheo na wanazuoni [wasomi] waliobobea katika Neno [kama inavyo ashiriwa na Wayunani], wenye ushawishi na matajiri nao wataanza kuukubali msisitizo uliopo hivi sasa wa kitume kupitia Neno la Mungu.

LA MUHIMU:

- Yakobo 1:21 unaashiria kwamba wakati Neno la Mungu linapokelewa kwa unyenyekevu, linakuwa na UWEZO WA KUOKOA NAFSI. ule uwezo wa kuokoa wa Neno la Mungu unao husiana na mchakato unaoendelea wa kufanya upya nia [Rum 12:1na 2] utaachiliwa tu kutegemeana na jinsi neno lilivyopokelewa kwa unyenyekevu. Unyenyekevu unahusisha pia kuvua mawazo binafsi uliyo nayo na kuacha kujiona kwamba unalijua Neno na unamjua mtu Yule anayekuletea neno husika.
- 1Thes 2:13a *kwa sababu hiyo sisi nasi twamshukuru Mungu bila kukoma, kwa kuwa mlipopata lile Neno la ujumbe la Mungu mlilolisika kwetu, mlilipokea si kama neno la wanadamu. [NLT]*
- 1 Thes 2:13 unatueleza kuwa wakati Neno linapo pokelewa kama ni Neno la Mungu, na siyo neno la mwanadamu, hapo ndipo nguvu yake ya “kutenda kazi yake ndani yako wewe uaminiye” inaanishwa.

Tenda = energeo = kuwa hai, akufaa, enye matokeo, enye uwezo katika, kuwa tendaji, kuwa kazini, toa nguvu/ nishati.

2. UMESIKIA SASA UNALAZIMIKA KUTII

Yakobo 1:22-25

22. *Lakini iweni watendaji wa neno, wala si wasikajitu, hali mkijidanganya nafsi zetu.*
23. *Kwa sababu mtu akiwa ni msikiaji wa neno tu wala si mtendaji, mtu huyo ni kama mtu anayejiangalia uso wake katika kioo.*
24. *Maana huijangalia, kisha huenda zake, mara akasahau jinsi alivyo.*
25. *Lakini aliye itazama sheria kamilifu iliyo ya uhuru, na kukaa humo, asiwe msikiaji msahafulifu, bali mtendaji wa kazi, huyo atakuwa heri katika kutenda kwake.*




Yakobo analifananisha neno la Mungu na kioo. Kioo kinakuakisi wewe sawa na mwonekano na hali yako ya nje, ni kweli kinaakisi mwnekano wako wan je kama ulivyo- siyo zaidi ya hapo, wala siyo pungufu ya hapo.

Mara unapojiangalia mwenyewe kwenye kioo, unafanya marekebisho muhimu kwa chochote ambacho hujaridhika nacho- ndani ya shauku ya kuonekana bora.

Waibrania 4:12 *Maana neno la Mungu li hai, tena lina nguvu, tena lina ukali kuliko upanga uwao wote ukatao kuwili, tena lachoma hata kuzigawanya nafsi na roho, na viungo vya mafuta yaliyomo ndani yake; tena li jepesi kuyatambua mawazo na makusudi ya moyo.*

[Soma pia Zaburi 19:7-14 na Zaburi 139:23-24]

Neno la Mungu lina viwango vya tabia na asili ya Kiuungu kwa ajili yetu.Kila wakati tunapolisikia, linatuletea viwango vya Kiuungu ambavyo tunapaswa kuvitilia maanani. Wakati tunapo gundua kwamba tupo mbali na asili ya Kristo kwamba tunasoma au tunajiona katika Maandiko tunapaswa kutubu na kutafuta kuingiza katika maisha na katika tabia zetu kile tulicho kiona ni cha Kristo kupitia Neno.



Kama ilivyo fundishwa katika kipindi kilichopita kupitia mchakato wa kusikia na kutii, tunatakasa nafsi zetu na kufanyika washiriki wa asili ya Kiuungu ya Mungu, mahali pekee tunapoepuka uharibifu wa ulimwengu. Yakobo anafundisha kitu kinacho fanana na hicho hapa.

Kila wakati uwezowako wa kumwona Mungu unapoongezeka, unakuruhusu wewe uone mahali ulipo, kulingana na ile sura ya Mungu ultiyo na njozi nayo.

Wakati Isaya alipomuona BWANA yuko ‘juu na kuinuliwa’ katika Isaya 6 hili la kumtazama Mungu kulimsababishia yeye kuona hali yake ya ukengeufu.

Alipaaza sauti, “Ole wangu! Kwa maana nimepotea”

Kwa kadri dhana yako kumhusu Mungu inavyokua na kufikia katika usahihi mkubwa zaidi, kile unachokiona cha asili yake kinatoa nuru kwenye maeneo ya giza katika maisha yako- na hivyo wewe unajirekebisha ili kupatana na kile unachoona.

Hatua kwa hatua Mungu hujifichua/hujifunua mwenyewe kwako kupitia maandiko ili upate fursa ya kujikagua ni wapi wewe uko sambamba na asili yake.Mungu atakuonesha wewe mwenyewe jinsi ulivyo kwa kukuonesha wewe Yeye mwenyewe.Ulitoka kwake na ulichagulia ndani Yake kabla ya wakati.Hivyo, katika ukweli, wakati unaposoma au kulisikia Neno, unajiona mwenyewe kukamilishwa ndani ya Mungu na umekamilika katika katika Yeye.

Unaweza ukajisawazisha tena katika nafasi hii kwa kadri unavyo gundua kuna kukengeuka katika maisha yako kutoka katika kile alichokiandaa Mungu kwa ajili yako ili uwe ndani yake.

Zaburi 40:7-8 Ndipo niliposema,Tazama nimekuja,(**Katika gombo la chuo nimeandikwa**).Kuyafanya mapenzi yako,Ee Mungu wangu,ndiyo furaha yangu;**Naam,sheria yako imo moyoni mwangu.**

Kadri unavyo sikia au kujifunza Neno la Mungu,Mungu wa Neno anakusoma wewe.

Kadri unavyo soma au kusikia Neno la Bwana,usiingize humo mawazo yako ya kuwa mwenye haki juu ya kile unacho soma au kusikiliza.Unapaswa kuyaruhusu maandiko yalete marekebisho katika utambuzi wako katika mambo yote,hata katika yale unayofikiri kuwa wewe uko sahihi kabisa kuyahusu.Kuwa tayari kubadilika.

Mithali 21:2 *Kila njia ya mtu ni sawa machoni pake mwenyewe, bali BWANA hupima miyo.*

- **KUKOSA KUTII = KUSAHAU = KUTOFAUTIANA AU KUPUUZA**

Kusikia na kutotii Neno la Mungu kunafananishwa na mtu, ambaye baada ya kujiona yeye mwenyewekatika kioo, ANASAHAU anafanana na nini.

Sahau = epilanthanomai = dharau, kutojali tena, kuwekwa katika hali ya kusahuliwa, -isiyo jaliwa.

Kama linavyoonekana, neno ‘sahau’ halihali ashirii kukosa kukumbuka kama vile inavyofikiriwa kwamba kwa hakikamtu anaweza asijihuvishe sana na kile alichoona mtu mwingine kumhusu yeye mwenyewe katika kioo cha neno la Mungu.

Hili linaturejesha kwa mtu ambaye, baada ya kujihuisha na Neno la Mungu ambalo linamletea asili ya Mungu, bado anakuwa anaenenda kinyume,kutojihuisha, kutojali au kutokuwa na mwelekeo wowote wa kubadilika.

Kushindwa kutii kunaashiria kutofautiana na kuwa na mashaka ni kipi tunataka tukifikishe kwenye viwango vya Kiuungu vya Mungu. Mungu ‘anasahaulika’ wakati kanuni zake hazifuatwi tena:

Kumbukumbu 8:11a *Jihadhari usije ukamsahau BWANA Mungu wako, kwa kutozishika amri zake.*

KUSHINDWA KUTII = NI KUJIDANGANYA MWENYEWE

Wale wanaosikia na hawatii wanajilaghai wenyewe - (**Yak 1:2**)

Laghai/danganya = paralogzomai = kufikiri kwa uwongo au isivyo sahihi- potosha au hadaa, fanya hila.

3.NDANI YA MCHAKATO WA WEWE KUTII UNASHIRIKI NDANI YA ASILI YAKE YA KIUUNGU.

2 Kor 3:17-18

17. *Basi, 'Bwana' ndiye Roho; walakini alipo Roho wa Bwana, hapo ndipo penye uhuru,*
18. *Lakini sisi sote, kwa uso usiotiwa utaji, tukiurudisha utukufu wa Bwana, kama vile katika kioo, tunabadilishwa tufanane na mfano uo hu,toka utukufu hata utukufu, kama vile kwa utukufu utokao kwa Bwana, aliye Roho.*

Ule utukufu wa Mungu hutupeleka kwenye uwakilishaji halisi wa asili na tabia ya Mungu [ikiwa ni pamoja na nafsi na nguvu zake]. Neno la Mungu ndicho kioo chetu. Kwa kadri tunavyosoma na kujiangalia katika kioo hiki, tunaviona vipengele vya utukufu wa Mungu – asili yake, tabia, nafsi, nguvu n.k. Mstari huu unafundisha kwamba, kwa kadri tunavyo UTAZAMA utukufu huu,TUNA BADILISHWA kwa kile tunachokiona!Kristo anajitokeza/anajionesha kutoka katika maandiko kila wakati tunaposikia au kuyasoma.

Asili na kusudi lake huwa wazi kwetu.Kwa kadri tunavyo endelea kutazama ni nini anacho jifunulia Yeye Mwenyewe, tendo hilo la KUTAZAMA au KUONA ni nini kilichofunuliwa kwetu kinanini, ndani yakemna uwezo na nguvu ibadilishayo.

Ufunguo ni kuwaunavyoona kile anachokuonesha, TII kinachojitokezaau kuwa wazi kwa mahitajiya Bwana-na katika mchakato wako wa utii uta anza kupokea nguvu ibadilishayo ya Neno Lake ndani yetu- kupitia Roho Mtakatifu.

Badilishwa = metamorphoo = kubadili kuwa katika muundo mwengine, kubadilisha, geuza kuwa nzuri zaidi.

Neno la Kiingereza,**metamorphosis**,linatokana na neno la Kiyunani, **metamorphoo**. Likimaanisha **kupitia mabadiliko ya haraka katika taasisi ya ndani** na katika **muundo wanje**(kama vileKiwavi anapogeuka kuwa kipepeo)ili kwamba mabadiliko yote ya mtu, utendaji na uwezo mbalimbali vyote vinaongezeka sana. Hiyo ndiyo nguvu ya utii kwa Neno.

Yohana 14:21. Yeye aliye na amri na kuzishika yeye ndiye anipendaye, naye anipendaye atapendwa na baba yangu, nami nitampenda na kujidhirisha kwake.

TAZAMA KWA MAKINI

Yakobo 1:25. *Lakini aliyetazama kwa MAKINI sheria kamilifu iliyo ya uhuru na kukaa humo, asiwe msikiaji msahafulifu bali mtendaji wa kazi,huyo atakuwa heri katika kutenda kwake.*

Tazama kwa makini = parakupto = *kuinama kwa karibu, ndiyo kusema,kuegema kwa juu ili kuweza kuangalia katikati.*

Kuangalia ndani ya, kuinamia kitu ili uweze kukiona, kwa kumaanisha kuangalifu kwa makini ndani, kukagua kwa udadisi.

Unavyokuwa makini zaidi kuangalia ndani ya neno la Bwana, ufunuo wa asili wa Kristo kutoka kwenye maandiko utaongezeka na kuwa mkubwa zaidi, na unapo tii, siyo tu utabdalishwa ili uwe kama kile ulichoona, lakini pia utapokea ujuzi wabaraka za Mungu kwa yote utakayo fanya.

Yohana 13:17. *Mkiyajua hayo, heri ninyi mkiyatenda.*

Yoshua 1:8. *Kitabu hiki cha torati kisiondoke kinywani mwako, bali yatafakari maneno yake mchana na usiku, upate kuangalia kutenda sawa sawa na maneno yote yaliyo andikwa humo, maana ndipo utakapo ifanikisha njia yako, kisha ndipo utakapo stawi sana.*

4. KUTAKASWA NA MATOKEO YA KUPATA ELIMU YA NENO LA MUNGU.

WAKATI ALIPOLIJENGA LILE HEMA, Musa alichukua metali za vioo vya kujitazamia vya wanawake akaunda lile birika. Hivi vioo vya kujitazamia vilikuwa vimepakwa shaba.Birika lile lilikuwa ni beseni kubwa sana lililokaa kati ya madhabahu ya shaba ya kutolea dhabihu na mahali patakatifu.(Soma Kutok 30:17-21kwa maelezo zaidi).Lile beseni lilijazwa maji, na makuhani waliosha humo mikono na miguu yao katika birika kabla hawajaingia mahali pa takatifu kuhudumu. Ille Shaba iliyopakwa ilitumika kama kioo.



Kile kioo kilifichua hali ya uchafu ya kuhani, na kisha kwa kutumia maji, angejitakasa ye ye mwenyewe ,yaani mikono na miguu.

Kioo cha Neno la Mungu siyo tuu kinafichua dhambi zetu na makosa, lakini kinatutakasa kutokana na hayo. Maji ni alama ya Neno la Mungu.

Yohana 15:3. *Ninyi mmeshakuwa safi kwa sababu ya lile neno nililowaambia.*

Waefeso 5:25-27

25. *Enyi waume wapendeni wake zenu, kama Krsito naye alivyolipenda kanisa, akijitoa kwaajili yake.*
26. *Ili makusudi alitakasena kulisafisha kwa maji katika neno.*
27. *Apate kujiletea kanisa tukufu, lisilo na hila wala kunyanzi wala lolote kama hayo, liwe takatifu lisilo na mawaa.*

Yoh 17:17 *Uwatakase na ile kweli, neno lako ndiyokweli.*

MIKONO SAFI

Mikono katika maandiko ni alama ya uwezo wa kutekeleza au kwa ukweli kutimiza makusudi ya Mungu.

Mikono hutenda kazi ya Kiiungu ‘Mikono’ pia huashiria uwezo wa ‘kulichambua Neno la ukweli’ kwa ustadi, usahihi na UAMINIFU.

2 Wakorinto 4:2 *Lakini tumekataa mambo ya aibu yaliyo sitirika, wala hatuenendi kwa hila, wala kulichanganya neno la Mungu na uongo; bali kwa kuudhihirisha iliyo kweli twajionyesha kuwa na haki dhamiri za watu zikitushuhudia mbele za Mungu.*

MIGUU SAFI

Miguu hugusia kutembea kwetu ndani ya Kristo – yaani ujumla wa tabia na mawazo yetu katika maisha. Pia inazungumzia maendeleo kusonga mbele na kuongezeka katika njia na makusudi ya Mungu.

Wakolosai 1:10 *Mwenende kama ulivyo wajibu wenu kwa Bwana, mkimpendeza kabisa, mkizaa matunda kwa kila kazi njema, na kuzidi katika maarifa ya Mungu.*

JIOSHE MWENYEWE NDANI YA MAFUNDISHO YA KITUME

Ni jambo la lazima kwako kujiweka wazi kwa kujihusisha na fundisho la kitume kutoka kwa baba wa kweli , mwaminifu na mwenye neema ya kitume. Utume una mtazamo wa kulirudisha kanisa kwenye utaratibu sahihi wa Kibiblia.

Soma maelezo katika Yohana 9 ya namna mtu aliye zaliwa akiwa kipofu alivyo pokea kuona baada ya kutii maagizo ya Yesu ya kwenda kunawa katika birika la Siloamu.

Sio tu kwamba Neno la Mungu linatutakasa dhambi, lakini kwa kadri tunavyo endelea kuyaosha macho yetu ndani ya fundisho la kitume [kama inavyoonekana katika birika la Siloamu ikimaanisha aliyetumwa- alama ya utume] kuona [uoni] kwetu kirohona kuelewa kunafanywa bora zaidi na huongezeka sana hadi kuanza kuona ukamilifu wote wa Kristo kama unavyofunuliwa katika Neno lake.

Inavutia kuona kwamba kabla Yakobo hajatoa maoni ya namna ya kupokea Neno la Mungu lililopandwa kwa unyenyekevu na hivyo kuamsha utekelezaji wake wa kuokoa, anatuagiza sisi kwanza “tuweke mbali uchafu wote na ubaya uzidio” kisha akaendelea kujadili mfanano wa Neno la Mungu na kioo n.k.

Uchafu unazungumzia tabia za uovu na ubaya huzungumzia nia mbaya, kijicho, kusudio la uovu, shauku ya kudhuru, mambo haya huzuia kuona kiroho.

Neno linaweza kusafisha kabisa mambo haya lakini unahitajika utii wa dhamiri wa KUYAWEKA MBAL. Mara suala la kutakasa maisha ya mtu lina shughulikiwa, ule uwezo wa kupenya hadi kuona asili ya Mungu na makusudi yake utaongezewa nguvu kubwa.

Na hivyo kadri utakavyo endelea kutii kile unachoona cha asili na mahitaji ya Mungu katika Neno Lake unababilishwa ufanane naye daima katika viwango vya ongezeko la ‘utukufu- katika utukufu hadi utukufu’ kwa Roho wa Bwana.

Ikiwa hatimaye, tunataka kufanana na Neno la Mungu- barua za Kristo, zinasomeka na kujulikana na watu wote [2Kor 3:1-3] kisha katika kukua kwetu katika ukamilifu wa ukomavu wa kufanana na Kristo, uhalsia wa maisha yetu utafanyika kuwa kioo cha Neno kwa wengine.

Hivyo kanuni zote zenyehu mahusiano na neno kama kioo, ni rahisi, zinawezekana KWETU! Wewe ndiwe kioo cha Neno la Mungu kwa wanadamu walioko duniani. Kadri utakavyo unaonesha asili Yake mbele za watu, nao pia kama watatii, watabadilishwa na kile cha Kristo wanacho kiona ndani yako.

Viumbe vyote vinatazamia kwa shauku ukweli huu-*[‘kufunuliwa kwa wana wa Mungu’ \[Rum 8:19\]](#)*

ONGEZEZA NA

Waebrania 4:12-13

Maana Neno la Mungu li hai, tena lina nguvu, tena lina ukali kuliko upanga uwao wote ukatao kuwili, tena la choma hata kuzigawanya nafsi, na roho na viungo na mafuta yaliyomo ndani yake, tena li jepesi kuyatambua mawazo na makusudi ya moyo.

Wala hakuna kiumbe kisichokuwa wazi mbele zake, lakini vitu vyote vi utupu na kufunuliwa machoni pake yeye aliye na mambo yetu,

MASWALI NA MASUALA KWA AJILI YA REJEA BINAFSI NA MAJADILIANO YA VIKUNDI.

1. Hali ya ndani ya moyo wa mtu na akili katika KULISIKIA Neno la Mungu ni muhimu kupindukia. Jadili usemi huu.
 2. Onesha umuhimu na fafanuzi juu ya tabia nne muhimu katika KULIPOKEA neno la Mungu kama linavyofundishwa kwako, ili kwamba matokeo ya juu au athari zilizokusudiwa ziweze kuonekana.
 3. Neno la Mungu linafanaishwa na kioo. Ni kanuni zipi baadhi unazoweza kupata kutokana na mfanano [analojia hii] huu?
-

Dumu katika kuiwasiliana kupitia Tovuti yangu na mitandano ya Kijamii.

Fuata Randolph Barnwell kibinagsi kupitia Facebook au Twitter ili upate ujumbe na twiti zenye kuvuvia na kutia moyo mara kwa mara zenye kuangazia kanuni za msingi kutoka neno la Mungu. Unaweza pia kupakuwa bure nukuu na mafaili ya audio ya kila somo kutoka www.randolphbarnwell.com. Nyenzo za ziada juu ya mada mbalio mbali zinazo patika kwa wewe kupakuiwa mahali hapa. Maulizo Randolph@gatedc.co.za.

www.randolphbarnwell.com